



Broj : 04/1- 24-sl./16
Ilijaš, 15.2.2016. godine

STRUČNA SLUŽBA OPĆINSKOG VIJEĆA

PREDMET : Dostava odgovora na vijećnička pitanja i inicijative

Na 37. sjednici OV Ilijaš održanoj 28. 1. 2016. godine postavljena su slijedeća vijećnička pitanja i inicijative:

1. ENES DIZDAREVIĆ – samostalni vijećnik

Inicijativa:

1. Pokrećem inicijativu za osvjetljenje ulice na dijelu puta od podvožnjaka za Luku do šehidskog mezarja u Starom Ilijašu .

Obrazloženje: Zbog čestog okupljanja konzumenata nedozvoljenih sredstava i gdje se pješaci na ovom dijelu puta ne osjećaju sigurno, a pogotovo ispred fabrike Megati i gdje se isti sastaju.

2. Pokrećem inicijativu za osvjetljenje ulice u naselju Ravne, a koja se nalazi u Podružnici Sovrle i gdje postoje već postavljeni stubovi.

Obrazloženje: Ovu inicijativu pokrećem zbog čestog napada pasa lutalica na djecu i prolaznike. U pomenutom naselju postoje stubovi i električna instalacija, te smatramo da to Općini Ilijaš ne bi izazvalo velike troškove jer se radi o postavljanju 5(pet) rasvjetnih tijela.

Odgovor: Realizacija projekata iz oblasti javne rasvjete će se realizovati u skladu sa Operativnim planom Općinskog načelnika i službi kroz rekonstrukcije, sanacije i izgradnju javne rasvjete po naseljima uz uvažavanje mogućnosti tehničkih rješenja na terenu.

MUHAMED HANDŽIĆ – vijećnik BPS-Sefer Halilović

U zakletvi kolegice Matoruge se kaže da se trebaju poštivati zakoni, a ja sam dobio jedan odgovor na jedno moje vijećničko pitanje gdje piše da ne trebaju svi poštivati zakone. Naime, radi se o slijedećem. Na prošloj sjednici postavio sam dva pitanja ili jedno pitanje na dvije adrese, a radi se o "KSC i Radio Ilijaš" čiji je odgovor korektan, a druga adresa je JKP "Vodostan" čiji je takođe osnivač Općina Ilijaš, i nisam mogao povjerovati šta piše u odgovoru koji sam dobio. Onaj ko je pisao odgovor na moje pitanje, a tražio sam, između ostalog, i provedbu Zakona o dopunskim pravima boraca, u potpisu je direktorica, glasi da ne podliježe provedbi Zakona o dopunskim pravima boraca. U članu 23 tačka 5. Zakona o dopunskim pravima boraca piše da svi podliježu provedbi ovog Zakona, a posebno firme, javna komunalna preduzeća ili javne ustanove čiji su osnivači općine, kantoni itd. Dakle, i u ovom slučaju se krši Zakon i svjedoci smo da se krše zakoni i u javnim ustanovama i preduzećima, pa i kod samih osnivača, ali mi šutimo. Ja ću morati dostaviti imena na nekoj od slijedećih sjednica Vijeća kod tih javnih preduzeća, javnih ustanova, pa i kod osnivača, jer i ovdje ima kršenja Zakona o dopunskim pravima boraca. I u školama ima kršenja ovog Zakona. Znači, oni koji se nisu borili dobili su posao, a oni koji su krv

prolijevali za ovu Zemlju neće imati priliku da dobiju posao, niti će njihova djeca imati priliku dobiti posao. Evo vidite i ovakve odgovore dobijamo. Direktorica i menadžment JKP "Vodostan" Ilijaš neka se sramote ovakvog odgovora na vijećničko pitanje.

Odgovor:

Pitanje proslijeđeno JKP "Vodostan" doo Ilijaš. Odgovor u prilogu.

Služba za privredu, finansije i investicije



Jkp Vodostan d.o.o. Ilijaš

126 Brigade 60, 71380 Ilijaš, Tel/Fax : 400-740, Tel : 400-024

email:jkp.vodostan@gmail.com; Br.Rješ.:065-0-Reg-14-003778

ID:4200171710000 ; PDV ID:200171710000

Broj: 115 /16

Ilijaš, 04.02.2016 godine


BOSNA I HERCEGOVINA

FEDERACIJA BOSNE I HERCEGOVINE

KANTON SARAJEVO

OPĆINA ILIJAŠ

Služba za privredu, finansije i investicije



PREDMET: Odgovor na vijećničko pitanje vijećnika Muhameda Handžića (BPS-a Sefer Halilović)

Član 23. Zakona o dopunskim pravima boraca-branitelja Bosne i Hercegovine (Sl.novine Kantona Sarajevo br.45/12) glasi: "Lica iz člana 1. i 2. ovog Zakona ostvaruju pravo na prvenstvo pri zapošljavanju, a prioritet imaju djeca šehida-poginulih branioaca, umrlih ratnih vojnih invalida i umrlih dobitnika ratnih priznanja i odlikovanja.

Kantonalni organi uprave i kantonalne upravne organizacije, Grad Sarajevo ili Općina, kao i sva pravna lica čiji je osnivač Kanton, Grad Sarajevo ili općina, odnosno koji se finansiraju iz budžeta sa učešćem od najmanje 25 %, dužni su prilikom prijema u radni odnos obezbijediti prioritet licima iz člana 1. ovog Zakona, kao i članovima uže porodice ratnog vojnog invalida.

Navedenim članom su pobrojani svi subjekti na koje se odnosi primjena ovog člana gdje su između ostalih navedena i preduzeća kojima je osnivač općina. Međutim, stavom (2) navedenog člana je precizirano da su to preduzeća koja imaju finansiranje iz budžeta sa učešćem od najmanje 25 %, što nije slučaj u Vodostanu jer su prihodi preduzeća iz budžeta u manjem procentu od 25 %.

Posebno naglašavamo činjenicu da je imperativ ovog preduzeća poštivanje svih Zakona i drugih pozitivnih propisa, tako da kršenje Zakona u ovom ili bilo kojem segmentu nema.

Kada su u pitanju zaposlenici ovog preduzeća akcentiramo da su gotovo svi iz reda boračke populacije ili članovi njihovih porodica. O ovoj populaciji se u ovom preduzeću vodilo računa i prije donošenja Zakona što se može dokazati analizom svih uposlenih. Kao dokaz tome govori i to da od ukupnog broja uposlenika samo dva nisu iz ove kategorije i to: osoba sa određenim stepenom invaliditeta koja je bila nesposobna za vojnu obavazu a prijeratni je zaposlenik Vodostana i dijete samohrane majke koji je bio maloljetan u vrijeme rata.

U prilogu Vam dostavljamo spisak zaposlenih u posljednje tri godine:

R.B	Ime i prezime /status	Datum zasnivanja radnog odnosa	Određeno / neodređeno
1.	Zukić Rašid /demobilisani borac	01.05.2013	Neodređeno
2.	Hilal Dženan / dijete demobilisanog borca	19.09.2013	Neodređeno
3.	Dedić Edin /dijete poginulog borca	19.09.2013	Neodređeno
4.	Bešlija Bahrija /demobilisani borac	01.04.2015	Neodređeno

5.	Alispahić Admir /dijete demobisanog borca	01.09.2015-01.06.2016	Određeno
6.	Kondžić Almir / dijete sa jednim roditeljem	02.11.2015-03.08.2016	Određeno
7.	Fazlić Seid /demobilisani borac i dijete poginulog borca	01.12.2015-01.03.2015	Određeno

S poštovanjem !

Dostavljeno:

1 x Naslovu

1 x a/a



DIREKTOR

Belma Zukić, dipl.pravnik